

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1196/09
Sarajevo, 03.12.2009. godine

Z A P I S N I K
**27. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 03. decembra 2009. godine**

Sjednica je počela u 11.23.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, predsjednicu Federacije Borjanu Krišto, premijera Federacije Mustafu Mujezinovića, ministre u Vladi Federacije Bosne i Hercegovine, predstavnike međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su Jasenko Tufekčić i Muharem Serbezovski.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Prije prelaska na rad delegati su bez primjedbi, sa 36 glasova za, usvojili Zapisnik 26. sjednice Doma naroda, održane održane 26. listopada i 05. studenog 2009. godine

Nakon toga predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Josip Perić izrazio je nezadovoljstvo jer nije dobio odgovor na postavljeno pitanje u vezi sa događajima u Civilnoj zaštiti Federacije Bosne i Hercegovine, također je izrazio nezadovoljstvo dobijenim odgovorom na pitanje postavljeno Poreznoj upravi Federacije Bosne i Hercegovine u vezi sa prinudnom naplatom koja je stigla na Ministarstvo, prosvjete, kulture i sporta Kantona 10. Zatražio je održavanje sastanka sa čelnicima Porezne uprave Federacije Bosne i Hercegovine, premijerom i zamjenikom premijera

Federacije BiH i predstavnicima Kantona 10 u cilju rješavanja nastalih problema.

Muhamed Osmić izrazio je nezadovoljstvo dobijenim odgovorom od Elektroprivrede Bosne i Hercegovine vezano uz ulaganja na području općine Maglaj. Također je izrazio nezadovoljstvo odgovorom na postavljeno delegatsko pitanje koje je dobio od FERK-a.

Besim Imamović izrazio je nezadovoljstvo dobijenim odgovorom od Federalnog ministarstva finansija vezano uz metodologiju raspodjele javnih prihoda u Federaciji koju Ministarstvo primjenjuje.

Drugo nezadovoljstvo izrazio je zbog nedonošenja Zakona o šumama. Na ovo pitanje odgovor je na sjednici dao Damir Ljubić, federalni ministar poljoprivrede, vodoprivrede i šumarstva.

Bojan Bošnjak izrazio je nezadovoljstvo jer nije dobio odgovore na postavljena pitanja upućena Vladi i Federalnom ministarstvu za energetiku i rudarstvo vezano uz zaposlenike koji su na čekanju u „Arcelor Mitalu“ u Zenici, kao i odgovore vezane uz broj VSS kadrova elektrostruke u Rudniku mrkog uglja u Zenici, te odgovor na pitanje vezano uz nesreću koja se desila u ovom poduzeću.

Svetozar Pudarić istakao je da nije zadovoljan sadržajem odgovora od Direkcije za ceste Federacije BiH vezano uz uništavanje putne signalizacije na putu M-17 od Hadžića do Bradine. Izrazio je nezadovoljstvo odgovorom Direkcije za ceste Federacije kojim ističu nedostatak sredstava za obnovu i zaštitu uništene putne komunikacije na magistralnoj cesti M-17.

Također je rekao kako je nezadovoljan konstatacijom Direkcije za ceste da MUP HNK-a neće otkriti počiniocima ovih djela, te je proširio svoj zahtjev i zatražio da Federalna uprava policije i MUP kantona Sarajevo poduzmu sve da se otkriju počinioci ovih djela.

Kenan Keserović postavio je dva delegatska pitanja i odgovore na njih zatražio u pisanoj formi.

Prvo pitanje postavio je predsjedavajućem i sekretaru Doma naroda – koji je tačan broj donesenih zaključaka u 2008. godini, kao i u periodu siječanj-studenj 2009. godine i zatražio informaciju o njihovoj realizaciji.

Drugo pitanje uputio je Federalnom ministarstvu obrazovanja i nauke u vezi sa provedbom Strateškog plana za prevenciju nasilja u porodici u Federaciji BiH u smislu dopune nastavnih planova i programa za osnovne i srednje škole obaveznim uključivanjem nenasilničkog ponašanja u te programe, kao i izradom programa sistematskog obrazovanja, odnosno edukacije nastavnog osoblja u predškolskim, osnovnim i srednjoškolskim ustanovama u vezi sa prepoznavanjem prevencije i suzbijanja nasilja u porodici.

Zatražio je odgovore u pisanoj formi u vezi sa izradom ova dva akta.

Mislav Sučić uputio je pitanje Vladi Federacije – gdje se sve nalaze predstavništva Razvojne banke Federacije, kao i kada će biti otvoreno predstavništvo Razvojne banke Federacije na području Kantona 10.

Zijad Tvica postavio je pitanje Federalnom ministarstvu zdravstva u vezi sa stanjem i mjerama koje poduzima vezano uz pandemiju gripe H1N1.

Također je zatražio informaciju sa sjednice Federalne uprave civilne zaštite, održane 01. prosinca u vezi sa pandemijom nove gripe.

Muhamed Osmić pokrenuo je dvije inicijative.

Prva inicijativa odnosi se na to da Federalno ministarstvo industrije, energije i rudarstva i FERK izvrše analizu cijene priključaka za električnu energiju od Elektroprivrede BiH za domaćinstva i poslovne lizinge.

Druga inicijativa odnosi se na to da se zabrani izvoz celuloznog drveta sa područja Federacije zbog nedostatka sirovina u firmi "Natron Hajat" u Maglaju. Predložio je premijeru Federacije da se formira radna grupa koja će naći rješenje za uvođenje određenih taksi kojima bi se riješila ova situacija.

Mladen Lonić izrazio je nezadovoljstvo odgovorom nadležnog ministarstva - zbog čega nije utvrđena šumsko-privredna osnova na području Unsko-sanskog kantona te zatražio da se pronađu sredstva za izradu ove osnove.

Također je postavio delegatsko pitanje u vezi sa premještanjem Kantonalne uprave za šumarstvo iz Bosanskog Petrovca u Bihać, kao i za premještanje Odjeljenja kantonalne uprave za šumarstvo iz Općine Bosanska Krupa u Općinu Cazin.

Ivo Komšić pokrenuo je inicijativu prema Federalnom ministarstvu pravde ili Vladi Federacije u vezi sa preispitivanjem ustavnosti ugovora od vlasnika BBI centra sa zakupcima poslovnih prostora u centru, gdje je uvjetovana zabrana točenja alkohola i prodaja svinjskog mesa u tim prostorima.

Elvira Avdić Jelenović postavila je dva delegatska pitanja.

Prvo pitanje uputila je Federalnom ministarstvu vodoprivrede, poljoprivrede i šumarstva vezano uz poticaje pčelarske proizvodnje u 2008. godini, korisnike tih poticaja, te koliko ih je registrirano u sistemu PDV-a.

Drugo pitanje postavila je Agenciji za privatizaciju Federacije Bosne i Hercegovine, a odnosi se na reviziju u poduzeću „Agrokomerc“ koju je izvršila revizorska kuća Deloitte Tuš Prag, vezano uz visinu i nadzor usluga od ove revizorske kuće.

Anđelko Mikulić postavio je delegatsko pitanje Vladi Federacije i Agenciji za bankarstvo u vezi sa zatvaranjem Hercegovačke banke i rezultatima upravljanja Toby Robinson Hercegovačkom bankom.

Mira Ljubijankić postavila je tri delegatska pitanja.

Prvo pitanje postavila je Vladi Federacije vezano uz nedostavljanje seta zakona iz oblasti socijalne zaštite koji je trebao biti dostavljen do 01. listopada ove godine.

Drugo pitanje postavila je federalnom ministru zdravstva vezano uz svinjsku gripu i lijek „Tamiflu“, kojem je istekao rok upotrebe a inspekcija nije ništa poduzela.

Treće pitanje postavila je Federalnom ministarstvu rada i socijalne politike - zašto nisu planirana sredstva u iznosu od 200.000 KM koja bi se trebala uplatiti sigurnim kućama u Federaciji BiH.

Sead Čaušević postavio je tri delegatska pitanja.

Prvo pitanje postavio je Federalnom ministarstvu finansija, tj. Poreznoj upravi Federacije u vezi sa aktiviranjem hipoteka koje Porezna uprava ima nad određenim brojem poduzeća koja imaju određeni broj objekata koji se ne koriste u procesu proizvodnje, a čijom bi se prodajom došlo do novčanih sredstava kojima bi se napunili fondovi.

Drugo pitanje postavio je Federalnom ministarstvu pravde, a odnosi se na stečajne postupke pokrenute u firmama osnovanim djelomično ili u potpunosti državnim kapitalom.

Treće pitanje odnosi se na otvaranje predstavništva Razvojne banke Federacije u Tuzli.

Josip Perić postavio je delegatsko pitanje i pokrenuo inicijativu.

Upitao je Vladu Federacije kada će biti dostavljena informacija u vezi sa konsolidiranjem rudnika i realiziranjem zaključaka koje je Dom naroda donio prilikom usvajanja Zakon o finansijskoj konsolidaciji rudnika uglja u Federaciji Bosne i Hercegovine prema obračunatim a neuplaćenim javnim prihodima u periodu od 2009. do 2015. godine.

Pokrenuo je inicijativu za održavanje tematske sjednice čija bi tema bila sagledavanje dugova poduzeća koja su u većinskom vlasništvu općina, kantona i Federacije prema fondovima za penziono, zdravstveno i invalidsko osiguranje, period u kojem su nastali, te koje mjere su poduzimane protiv pojedinih dužnika.

Istakao je da se rješenje problema prinudne naplate treba riješiti na nivou premijer – zamjenik premijera – Porezna uprava Federacije i predstavnici Kantona 10, te inicirao sastanak između ovih subjekata.

Snježana Milavić pitala je Vladu Federacije, odnosno Federalno ministarstvo pravde - šta je poduzeto u vezi sa tužbama koje su udruženja logoraša podnijela protiv Federacije.

Dženana Zlatar izrazila je nezadovoljstvo dobijenim odgovorom od predsjednika Upravnog odbora Radio-televizije Federacije Bosne i Hercegovine.

Postavila je pitanje federalnom ministru unutrašnjih poslova - kada će članovi Parlamenta Federacije dobiti informaciju o dešavanjima u Širokom Brijegu prije početka nogometne utakmice Široki Brijeg – Sarajevo, te šta je preduzeto nakon ovih dešavanja.

Zoran Budimić postavio je četiri pitanja.

Prvo pitanje uputio je Razvojnoj banci Federacije, a odnosi se na realizirana kreditna sredstva Razvojne banke u 2008. i 2009. godini koja su data u projekte u poljoprivredi. Zatražio je da mu se dostavi poimenični spisak korisnika iz oblasti poljoprivrede po kantonima sa tačnim iznosima sredstava i nazivom, odnosno opisom projekta. Zatražio je podatak koliko je bilo aplikacija za kreditna sredstva, te koliko je projekata odobreno.

Drugo pitanje postavljeno je Federalnom ministarstvu zdravstva u vezi sa kontrolom cjepiva koje se koristi protiv gripe H1N1.

Treće pitanje odnosi se na realiziranje Zaključka Doma naroda, koje se odnosi na održavanje tematske sjednice o stanju privrede prije rasprave o Budžetu Federacije za 2010. godinu.

Četvrto pitanje odnosi se na tačnost informacije da će se u Rebalansu Budžeta Federacije za 2009. godinu sredstva za poticaje smanjiti za više od osam miliona KM, koji je razlog za to i u kojim segmentima će biti to smanjenje.

Damir Ljubić, federalni ministar poljoprivrede, vodoprivrede i šumarstva, odgovorio je na ovo pitanje.

Nada Čulap postavila je pitanje federalnom ministru poljoprivrede, vodoprivrede i šumarstva vezano uz isplatu poticaja iz 2008. godine.

Na ovo pitanje odmah je odgovorio federalni ministar poljoprivrede, vodoprivrede i šumarstva.

Svetozar Pudarić postavio je dva pitanja Vladi Federacije.

Prvo pitanje - u kojoj mjeri se primjenjuje Zakon o načinu ostvarivanja ušteta u Federaciji Bosne i Hercegovine.

Drugo pitanje - nakon donošenja ovog Zakona za koliko procenata su umanjeni prihodi građanina koji je primao manju, a za koliko građanina koji je primao veću plaću.

Na ovo pitanje odgovorio je premijer Mustafa Mujezinović.

Ismet Imamović postavio je dva delegatska pitanja.

Prvo pitanje postavio je federalnom pravobranitelju u vezi sa njegovim uključivanjem u postupku zaštite imovine Federacije u naftnim terminalima u Pločama.

Drugo pitanje postavio je federalnom ministru pravde, vezano uz potpisivanje ugovora o nabavci vakcina, tj. da li su ovim ugovorom predviđeni penali za neisporuku vakcina predviđenih ugovorom.

Besim Imamović postavio je tri delegatska pitanja.

Prvo pitanje uputio je federalnom ministru prometa i komunikacija, tj. ko je, kako i po kojem osnovu povećao cijene fiksne telefonije od BH Telekoma.

Drugo pitanje postavio je federalnom pravobranitelju vezano uz izvršeno privatiziranje šuma u pojedinim kantonima i izrazio interesovanje konkretno za privatizaciju koja se dogodila u okviru JP Šume Tuzlanskog kantona.

Treće pitanje postavio je premijeru Federacije vezano uz dostavljanje informacije o dogovoru dva premijera koji se održao u Doboju, vezano uz rješavanje problema u vezi sa situacijom u Elektroprenosu BiH.

Na ovo pitanje odgovor je dao premijer Mustafa Mujezinović.

Miro Lazović pokrenuo je inicijativu i postavio jedno pitanje.

Pokrenuo je inicijativu prema Federalnom ministarstvu pravde kojom bi se putem izmjena i dopuna Krivičnog zakona ili nekog drugog zakona

stimulisale osobe koje prijave korupciju za koju se kasnije utvrdi da je i postojala.

Postavio je pitanje predsjednici Federacije - kada će biti izvršeno imenovanje federalnog ministra prostornog uređenja.

Predsjednica Federacije Borjana Krišto izjavila je da će dostaviti odgovor u pisanoj formi.

Denis Zvizdić zatražio je od federalnog ministra prometa i komunikacija dostavljanje informacije o odnosu između odobrenih kredita za izgradnju autoputa Vc i realiziranja tih sredstava.

Dragomir Bilić postavio je pitanje Vladi Federacije i zatražio pisani odgovor na pitanje koje se odnosi na poticaje Bosansko-podrinjskom kantonu.

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajući je obavijestio delegate da je Vlada Federacije dostavila Prijedlog Zakona o izmjenama i dopunama Zakona o privrednim društvima sa prijedlogom da se razmatra po hitnom postupku. S obzirom na to da je Predstavnički dom odlučio da se Prijedlog Zakona razmatra u formi nacрта Zakona, Kolegij Doma naroda predlaže da i ovaj dom Zakon razmatra u formi nacрта.

U vezi sa ovim prijedlogom razvila se diskusija u kojoj su učestvovali: Elvira Abdić-Jelenović, koja je predložila da se ova tačka skine sa dnevnog reda, Igor Rajner i Vahid Hećo, federalni ministar energije, industrije i rudarstva.

Nakon diskusije predsjedavajući je stavio na glasanje prijedlog da se Zakon razmatra u formi nacрта, što su delegati nakon provednog glasanja i prihvatili (34 glasa za, dva uzdržana glasa i četiri glasa protiv).

Predsjedavajući je obavijestio delegate da je Vlada Federacije dostavila Prijedlog Zakona o izmjenama i dopunama Zakona o poljoprivredi sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 35 glasova za, uz dva uzdržana glasa i uz tri glasa protiv, prihvatio da se Prijedlog Zakona razmatra po skraćenom postupku.

Predsjedavajući je podsjetio delegate da je na prošloj sjednici Doma naroda na prijedlog premijera Federacije odgođeno izjašnjavanje o Prijedlogu za rješenje spornih pitanja u tekstu Prijedloga Zakona o profesionalnoj rehabilitaciji, osposobljavanju i upošljavanju osoba sa invaliditetom, koji je dostavila Zajednička komisija za usaglašavanje različito izglasanih tekstova prijedloga zakona u oba doma Parlamenta Federacije. Komisija je održala sjednicu na kojoj se utvrdio novi prijedlog za rješenje spornih pitanja. Predsjedavajući je predložio da se o ovom prijedlogu Dom naroda izjasni nakon što se o njemu izjasni Predstavnički dom, što su delegati prihvatili.

Također, Zajednička komisija dostavila je Prijedlog za rješenje spornog pitanja u tekstu Prijedloga Zakona o izmjenama i dopunama Zakona o prostornom planiranju i korištenju zemljišta na nivou Federacije

Bosne i Hercegovine o kome se Dom naroda ne treba izjašnjavati, već je dostavljen samo radi upoznavanja.

Nakon toga prešlo se na glasanje o predloženom dnevnom redu.

Na osnovu rezultata glasanja, predsjedavajući je konstatovao da je Dom naroda, sa 41 glasom za i uz jedan glas protiv, usvojio sljedeći:

DNEVNI RED

1. Prijedlog Zakona o izmjenama i dopunama Zakona o poljoprivredi – skraćeni postupak,
2. Prijedlog Zakona o izmjenama i dopuna Zakona o zaštiti zraka,
3. Prijedlog Zakona o izmjenama i dopunama Zakona o cestovnom prijevozu Federacije Bosne i Hercegovine,
4. Prijedlog Zakona o veterinarstvu u Federaciji Bosne i Hercegovine,
5. Nacrt Zakona o izmjenama i dopunama Zakona o privrednim društvima,
6. Nacrt Zakona o nasljeđivanju (predlagač: Klub zastupnika BPS - Sefer Halilović u Predstavničkom domu),
7. Prijedlog Odluke o osnivanju i imenovanju članova Vijeća nacionalnih manjina Federacije Bosne i Hercegovine (predlagač: Komisija za zaštitu ljudskih prava i sloboda Predstavničkog doma),
8. a) Odluka o davanju saglasnosti za prihvatanje kredita Saudijskog fonda za ekonomski razvoj za Projekt dovršenje i opremanje četiri bolnice,
b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Saudijskog fonda za ekonomski razvoj za Projekt dovršenje i opremanje četiri bolnice,
c) Sporazum o kreditu (dovršenje i opremanje četiri bolnice) između Saudijskog razvojnog fonda i Bosne i Hercegovine,
d) Informacija o kreditu Saudijskog fonda za ekonomski razvoj za Projekt dovršenje i opremanje četiri bolnice,
9. Prijedlog Odluke o utvrđivanju Programa provedbe statističkih istraživanja od interesa za Federaciju Bosne i Hercegovine za period 2009. - 2012. godina,
10. Projekt „Razvoj trgovine i domaćeg tržišta u Federaciji Bosne i Hercegovine“,
11. Godišnji izvještaj Visokog sudskog i tužilačkog vijeća Bosne i Hercegovine za 2008. godinu,
12. Izvještaj o radu FERK-a za 2008. godinu,
13. Izvještaj o stanju poljoprivrede u 2008. godini,
14. Izvještaj o izvršenju Finansijskog plana Federalnog fonda solidarnosti za 2008. godinu,
15. Izbor i imenovanja.

1. Prijedlog Zakona o izmjenama i dopunama Zakona o poljoprivredi

Prijedlog Zakona utvrdila je Vlada Federacije.

Predstavnički dom je na 26. sjednici od 28.10.2009. godine usvojio Prijedlog Zakona sa pet amandmana koje je Vlada Federacije prihvatila na sjednici Predstavničkog doma koji su postali sastavni dio Prijedloga Zakona. Predstavnik Vlade je, također, prihvatio i primjedbu na član 28. stav 4. Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Damir Ljubić, federalni ministar poljoprivrede, vodoprivrede i šumarstva.

Ispred Odbora za poljoprivredu, vodoprivredu i šumarstvo Izvještaj je obrazložio Zoran Budimić, predsjednik Odbora.

U raspravi su učestvovali Nikola Simić i Damir Ljubić, federalni ministar poljoprivrede, vodoprivrede i šumarstva.

Na osnovu rezultata glasanja, predsjedavajući je konstatovao da je Dom naroda jednoglasno (43 glasa) usvojio Prijedlog Zakona o izmjenama i dopunama Zakona o poljoprivredi.

2. Prijedlog Zakona o izmjenama i dopuna Zakona o zaštiti zraka

Prijedlog Zakona utvrdila je Vlada Federacije.

Predstavnički dom je na 26. sjednici od 11.11.2009. godine usvojio Prijedlog Zakona sa devet amandmana koje je Vlada Federacije prihvatila na sjednici Predstavničkog doma pa su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Mehmed Cero, pomoćnik federalnog ministra okoliša i turizma.

U raspravi su učestvovali Besim Imamović i Denis Zvizdić.

Na osnovu rezultata glasanja, predsjedavajući je konstatovao da je Dom naroda jednoglasno (38 glasova) usvojio Prijedlog Zakona o izmjenama i dopunama Zakona o zaštiti zraka.

3. Prijedlog Zakona o izmjenama i dopunama Zakona o cestovnom prijevozu Federacije Bosne i Hercegovine

Prijedlog Zakona utvrdila je Vlada Federacije.

Predstavnički dom je na nastavku 25. sjednice od 11.11.2009. godine usvojio Prijedlog Zakona sa četiri amandmana Vlade Federacije i šest amandmana koje je Vlada Federacije prihvatila, pa su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Željko Matoc, predstavnik Federalnog ministarstva prometa i komunikacija.

U raspravi su učestvovali: Igor Rajner, Željko Matoc, predstavnik Ministarstva, Nikola Simić i Slobodan Tomić.

Na osnovu rezultata glasanja, predsjedavajući je konstatovao da je Dom naroda, sa 34 glasa za i uz četiri uzdržana glasa, usvojio Prijedlog Zakona o izmjenama i dopunama Zakona o cestovnom prijevozu Federacije Bosne i Hercegovine.

4. Prijedlog Zakona o veterinarstvu u Federaciji Bosne i Hercegovine

Prijedlog Zakona utvrdilo je Federalno ministarstvo poljoprivrede, vodoprivrede i šumarstva.

Predstavnički dom je na nastavku 26. sjednice od 17.11.2009. godine usvojio Prijedlog Zakona sa 16 amandmana Federalnog ministarstva poljoprivrede, vodoprivrede i šumarstva, koji su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Damir Ljubić, federalni ministar poljoprivrede, vodoprivrede i šumarstva.

Ispred Odbora za poljoprivredu, vodoprivredu i šumarstvo, Izvještaj je obrazložio Zoran Budimić, predsjednik Odbora.

U raspravi su učestvovali: Igor Rajner, Besim Imamović, Zijad Tvica, Elvira Abdić-Jelenović, Jasmin Ferizbegović, predsjednik Veterinarske komore Federacije BiH, Josip Perić, predsjednik Kluba delegata hrvatskog naroda, Nikola Simić, Mladen Lonić, Denis Zvizdić, Alija Begović, predsjednik Kluba delegata bošnjačkog naroda, Ivo Komšić, Mislav Sučić i Damir Ljubić, federalni ministar poljoprivrede, vodoprivrede i šumarstva.

S obzirom na to da je u raspravi Alija Begović, ispred Kluba delegata bošnjačkog naroda, predložio da se odgodi izjašnjavanje o Prijedlogu Zakona za narednu sjednicu, a da u međuvremenu Klub delegata bošnjačkog naroda pribavi mišljenja Ureda za zakonodavstvo Vlade Federacije i Zakonodavno-pravne komisije Doma naroda o Prijedlogu

Zakona, odgođeno je izjašnjenje o Prijedlogu ovog zakona, što su delegati prihvatili.

5. Nacrt Zakona o izmjenama i dopunama Zakona o privrednim društvima

Zakon u formi prijedloga utvrdila je Vlada Federacije.

Predstavnički dom je na nastavku 26 sjednice od 17.11.2009. godine razmatrao Zakon u formi nacrta i Zaključkom ga prihvatio.

Zakon su u formi prijedloga razmatrala nadležna radna tijela i dostavila svoje izvještaje.

Nacrt Zakona obrazložila je Jasmina Pašić, predstavnica Federalnog ministarstva energije, rudarstva i industrije.

U raspravi su učestvovali: Elvira Abdić-Jelenović, Muhamed Osmić, Mirsad Pindžo i Radoje Vidović.

Na osnovu rezultata glasanja, predsjedavajući je konstatovao da Dom naroda **nije prihvatio** Nacrt Zakona o izmjenama i dopunama Zakona o privrednim društvima jer je za glasao 21 delegat, osam delegata je bilo uzdržano, a 11 je bilo protiv.

6. Nacrt Zakona o nasljeđivanju

Nacrt Zakona utvrdio je Klub zastupnika BPS – Sefer Halilović u Predstavničkom domu.

Predstavnički dom je na nastavku 25. sjednice od 20.10.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

S obzirom na to da sjednici nije prisustvovao predstavnik predlagača, ova tačka je skinuta sa dnevnog reda.

7. Prijedlog Odluke o osnivanju i imenovanju članova Vijeća nacionalnih manjina Federacije Bosne i Hercegovine

Predlagač je Komisija za zaštitu ljudskih prava i sloboda Predstavničkog doma.

Predstavnički dom je na nastavku 26. sjednice od 17.11.2009. godine donio Odluku o osnivanju i imenovanju članova Vijeća nacionalnih manjina Federacije Bosne i Hercegovine.

Odluku su razmatrala nadležna radna tijela i dostavila svoje izvještaje. U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda jednoglasno (39 glasova) donio Odluku o osnivanju i imenovanju članova Vijeća nacionalnih manjina Federacije Bosne i Hercegovine.

8. a) **Odluka o davanju saglasnosti za prihvatanje kredita Saudijskog fonda za ekonomski razvoj za Projekt dovršenje i opremanje četiri bolnice**
- b) **Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Saudijskog fonda za ekonomski razvoj za Projekt dovršenje i opremanje četiri bolnice**
- c) **Sporazum o kreditu (dovršenje i opremanje četiri bolnice) između Saudijskog razvojnog fonda i Bosne i Hercegovine**
- d) **Informacija o kreditu Saudijskog fonda za ekonomski razvoj za Projekt dovršenje i opremanje četiri bolnice**

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 26. sjednice od 17.11.2009. godine donio odluke kojima je odobrio ove odluke.

Odluke su razmatrala nadležna radna tijela i dostavila svoje izvještaje.

Predsjedavajući je predložio da se o odlukama obavi zajednička rasprava, a izjašnjenje obavi pojedinačno, što su delegati prihvatili.

U raspravi su učestvovali: Elvira Abdić-Jelenović, Vedad Nezirić, predstavnik Federalnog ministarstva finansija.

a) Odluka o davanju saglasnosti za prihvatanje kredita Saudijskog fonda za ekonomski razvoj za Projekt dovršenje i opremanje četiri bolnice

Sa 38 glasova za i uz dva uzdržana glasa, Dom naroda donio je Odluku kojom je odobrio Odluku o davanju saglasnosti za prihvatanje kredita Saudijskog fonda za ekonomski razvoj za Projekt dovršenje i opremanje četiri bolnice.

b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Saudijskog fonda za ekonomski razvoj za Projekt dovršenje i opremanje četiri bolnice

Sa 36 glasova za i uz tri uzdržana glasa, Dom naroda donio je Odluku kojom je odobrio Odluku o davanju saglasnosti za zaključivanje Supsidijarnog kreditnog sporazuma između Bosne i Hercegovine i

Federacije Bosne i Hercegovine za kredit Saudijskog fonda za ekonomski razvoj za Projekt dovršenje i opremanje četiri bolnice.

c) Sporazum o kreditu (dovršenje i opremanje četiri bolnice) između Saudijskog razvojnog fonda i Bosne i Hercegovine

Sa 37 glasova za, uz dva uzdržana glasa i uz jedan glas protiv, Dom naroda odobrio je Sporazum o kreditu (dovršenje i opremanje četiri bolnice) između Saudijskog razvojnog fonda i Bosne i Hercegovine.

d) Informacija o kreditu Saudijskog fonda za ekonomski razvoj za Projekt dovršenje i opremanje četiri bolnice

Predsjedavajući je konstatovao da je Dom naroda primio na znanje Informaciju o kreditu Saudijskog fonda za ekonomski razvoj za Projekt dovršenje i opremanje četiri bolnice.

9. Prijedlog Odluke o utvrđivanju Programa provedbe Statističkih istraživanja od interesa za Federaciju Bosne i Hercegovine za razdoblje 2009.-2012. godina

Odluku je utvrdila Vlada Federacije i dostavila je Parlamentu Federacije radi razmatranja i usvajanja.

Predstavnički dom je na nastavku 25. sjednice od 20.10.2009. godine usvojio Odluku u tekstu kako je predložila Vlada Federacije.

Odluku su razmatrala nadležna radna tijela i dostavila svoje izvještaje.

U raspravi nije niko učestvovao.

Sa 37 glasova za i uz jedan uzdržani glas, Dom naroda usvojio je Odluku o utvrđivanju Programa provedbe statističkih istraživanja od interesa za Federaciju Bosne i Hercegovine za period 2009. - 2012. godina.

10. Projekt „Razvoj trgovine i domaćeg tržišta u Federaciji Bosne i Hercegovine“

Projekt je utvrdila Vlada Federacije i dostavila ga Parlamentu Federacije radi razmatranja i usvajanja.

Predstavnički dom je na nastavku 25. sjednice od 20.10.2009. godine usvojio Projekt „Razvoj trgovine i domaćeg tržišta u Federaciji Bosne i Hercegovine“.

Projekt su razmatrala nadležna radna tijela i dostavila svoje izvještaje.

U raspravi nije niko učestvovao.

Sa 38 glasova za i uz jedan uzdržani glas, Dom naroda usvojio je Projekt „Razvoj trgovine i domaćeg tržišta u Federaciji Bosne i Hercegovine”.

11. Godišnji izvještaj Visokog sudskog i tužilačkog vijeća Bosne i Hercegovine za 2008. godinu

Izvještaj je dostavilo Visoko sudsko i tužilačko vijeće Bosne i Hercegovine radi informiranja.

Predstavnički dom je na nastavku 23. sjednice od 30.06.2009. godine razmatrao Izvještaj i primio ga na znanje.

Izvještaj su razmatrala nadležna radna tijela i dostavila svoje izvještaje.

U raspravi je učestvovao Igor Rajner.

Predsjedavajući je konstatovao da je Dom naroda primio na znanje Godišnj izvještaj Visokog sudskog i tužilačkog vijeća Bosne i Hercegovine za 2008. godinu.

12. Izvještaj o radu FERK-a za 2008. godinu

Na osnovu člana 16. Zakona o električnoj energiji, FERK je dužan podnositi izvještaj Parlamentu Federacije o svom radu najmanje jedanput godišnje.

Predstavnički dom je na nastavku 25. sjednice od 27.10.2009. godine prihvatio Izvještaj.

Izvještaj su razmatrala nadležna radna tijela i dostavila svoje izvještaje.

U raspravi nije niko učestvovao.

Sa 36 glasova za, uz tri uzdržana glasa i uz jedan glas protiv, Dom naroda prihvatio je Izvještaj o radu Regulatorne komisije za električnu energiju u Federaciji Bosne i Hercegovine za 2008. godinu.

13. Izvještaj o stanju poljoprivrede u 2008. godini

Izvještaj je utvrdila Vlada Federacije.

Predstavnički dom je na nastavku 25. sjednice od 27.10.2009. godine prihvatio Izvještaj.

Izvještaj su razmatrala nadležna radna tijela i dostavila svoje izvještaje.

U raspravi su učestvovali Josip Perić i Muhamed Osmić.

Sa 38 glasova za i uz tri uzdržana glasa, Dom naroda prihvatio je Izvještaj o stanju poljoprivrede u 2008. godini.

14. Izvještaj o izvršenju Finansijskog plana Federalnog fonda solidarnosti za 2008. godinu

Izvještaj je utvrdila Vlada Federacije i dostavila ga Parlamentu Federacije na razmatranje i usvajanje.

Predstavnički dom je na nastavku 23. sjednice od 30.06.2009. godine usvojio Izvještaj.

Izvještaj su razmatrala nadležna radna tijela i dostavila svoje izvještaje.

U raspravi nije niko učestvovao.

Sa 38 glasova za, uz tri uzdržana glasa i uz dva glasa protiv, Dom naroda usvojio je Izvještaj o izvršenju Finansijskog plana Federalnog fonda solidarnosti za 2008. godinu.

15. Izbor i imenovanja

- Prijedlog Odluke o izmjeni Odluke o izboru članova u Parlamentarnu komisiju odgovornu za reviziju

Prijedlog Odluke utvrdile su komisije za izbor i imenovanja oba doma Parlamenta Federacije Bosne i Hercegovine.

Predstavnički dom je na 25. sjednici od 27.10.2009. godine donio Odluku o izmjeni Odluke o izboru članova u Parlamentarnu komisiju odgovornu za reviziju, kojom je umjesto **mr. Nedžada Polića** za člana Komisije izabran **Hazim Bašić**.

U raspravi nije niko učestvovao.

Sa 37 glasova za, uz tri uzdržana glasa i uz jedan glas protiv, Dom naroda donio je Odluku o izboru članova u Parlamentarnu komisiju odgovornu za reviziju kojom je umjesto **mr. Nedžada Polića** za člana Komisije izabran **Hazim Bašić**.

Sjednica je završena u 17.15.

* * *

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Stjepan Krešić